

GIZONA TA CHARDIETA.

Lengo arrats batian
joan nintzan kayera,
Jira bat eman nairik
Freskura artzera;
Irichi nintzanian
Ni kai muturrera,
Gizon bat zijuan an
Arrantzan astera.

Begira egon nintzan
Piškabat berari,
Eta laister asizan
Ekiten lanari;
Chardiña jarri ziyon
Aparejubari,
Ichachirikan ondo
Zuben amubari.

Itsasora botarik
Kontu aundiyakin,
Zeguen gizon ura
Aparejubakin;
Lotu zuben eskuban
Bi korapillokin,
Etzan nonbai fiyatzen
Eutsi utsarekin.

Tenk laster egin ziyon
Chardieta batek
Eta esaten zuben
«Au gaur, neretzat dek;
Nere echian biyar
Gosariya badek,
Pozak nere andria
Dantzan asiko dek.»

Bañan kukubak oker
Jo ziyon berari,
Bigarren tenkarakin
Goitik zan erori;
Eta utzirik azkar
Eskuko gauzari,
Kanpora atera zan
Pleiturik chit larri.

.
Gisa orretan asko
Gerade gertatzen,
Ustez segurutikan
Degula jokatzen;
Besterengatik erraz
Asirik pensatzen,
Geren buruben faltik
Ez degu arkitzen,
Eta azkenerako
Gera eroritzen.

FELIPE KASAL OTEGI.